

Elektromobil tarmog'ini rivojlantirish bo'yicha takliflar ko'rib chiqildi



Avval xabar qilinganidek, shu yil 10-oktabr kuni davlatimiz rahbari elektromobil tarmog'ini rivojlantirishga oid taqdimot bilan tanishgan edi. Unda berilgan topshiriqlar asosida, yurtimizda elektromobillar ishlab chiqarishni tashkil etish, quvvatlash stansiyalarini ko'paytirish bo'yicha takliflar tayyorlandi.

Prezident huzurida o'tkazilgan navbatdagi yig'ilishda ushbu takliflar muhokama qilindi.

Mutasaddilar tarmoqda ishlab chiqarishni davlat tomonidan qo'llab-quvvatlash zarurligi haqida fikr bildirdi. Jumladan, respublikada ishlab chiqarilgan elektromobillarni utilizatsiya yig'imidan, ularning butlovchi va ehtiyyot qismlari, jihozlari, xomashyo materiallarini bojxona bojidan ozod etish mo'ljallanmoqda. Shuningdek, ishlab chiqarish jarayoni to'liq yo'lga qo'yilguncha investorlarga muayyan miqdordagi elektromobillarni imtiyozli shartlar asosida olib kirishga ruxsat berish taklif etilmoqda.

Davlatimiz rahbari avvalgi taqdimotda aholi o'rtaida elektromobillar ommalashishi uchun uning xaridini rag'batlantirish zarurligini aytgan edi. Shundan kelib chiqib, O'zbekiston elektromobillarini sotib olish uchun olinadigan kredit foizlarining ma'lum bir qismi davlat tomonidan qoplab berilishi ko'zda tutilmoqda. 2023-2025-yillarda davlat boshqaruvi organlari, mahalliy hokimliklar va davlat ulushi 50 foizdan ko'p bo'lgan korxonalarning elektromobillar xarid qilishi ham qo'llab-quvvatlanadi. Elektromobillarda yo'lovchi tashish xizmati ko'rsatuvchi shaxslarga litsenziya uchun davlat boji to'lashda yengillik beriladi.

Ma'lumki, elektromobil ishlab chiqarish uchun kerakli xomashyolardan biri mis. Yurtimizda mis klasterlari tashkil etilmoqda. Bundan foydalaniib, ushbu klasterlarda elektromobillar va quvvatlash stansiyalari uchun butlovchi qismlar tayyorланади.

Kadrlar masalasi ham juda muhim. Shu bois Turin politexnika universiteti huzurida Elektromobillar va ularning infratuzilmasi bo'yicha ilmiy-tadqiqot laboratoriysi tashkil etish, professor-o'qituvchilar va

mutaxassislarni rivojlangan davlatlarga malaka oshirishga yuborish rejalashtirilgan.

Yig'ilişda mutasaddilar ushbu chora-tadbirlar natijasida respublikamizda yiliga 15-25 mingta elektromobil ishlab chiqarishni yo'lga qo'yish mumkinligini qayd etishdi.

Davlatimiz rahbari bu yo'naliş avtomobilsozlikda raqobat yaratishi kerakligini ta'kidladi. Berilayotgan imkoniyatlarni sohaga qiziqish bildirgan ishbilarmonlar bilan muhokama qilib, ularning fikr va takliflari asosida imtiyozlarni yanada kengaytirish, tarmoqqa tadbirkorlarni jalb etish bo'yicha ko'rsatmalar berildi.

Texnik jihatdan tartibga solish agentligiga elektromobillar va ularning butlovchi qismlarini ishlab chiqarish bo'yicha xalqaro standartlarni joriy etish vazifasi qo'yildi.



Manba